



Jadual Pembacaan Khutbah Jumaat

Siri 8/ 2023 (Ogos Tahun 2023)

تاریخ	تاجوق	ب
4 Ogos 2023M/ 17 Muharram 1444H	Kepimpinan: Antara Taklif dan Tasyrif	1.
11 Ogos 2023M/ 24 Muharram 1444H	Istiqamah Berubah Ke Arah Kebaikan	2.
18 Ogos 2023M/ 1 Safar 1444H	Penjagaan Ikhtilat Di Tempat Kerja	3.
25 Ogos 2023M/ 8 Safar 1444H	Benarkah Kita Merdeka?	4.
Khutbah Kedua		

دبیایاڤي:



زكاة فولاو فینغ

دترییتکن:



جابتن حال إحوال اکام اسلام فولاو فینغ



Jawatankuasa Panel Semakan Teks Khutbah Negeri Pulau Pinang

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Ahli Jawatankuasa Fatwa Negeri Pulau Pinang
- 7. Ustaz Subki bin Mohamed**
Mantan Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Benarkah Kita Merdeka?

25 Ogos 2023M/ 8 Safar 1444H

الْحَمْدُ لِلَّهِ رَبِّ الْعَالَمِينَ، وَلِيِّ الْمُتَّقِينَ، وَنَاصِرِ عِبَادِهِ الْمُسْتَضْعَفِينَ،
يَقْضِي بِالْحَقِّ وَهُوَ خَيْرُ الْفَاصِلِينَ.

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ النُّورُ الْهَادِي لِلنَّاسِ
أَجْمَعِينَ.

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَصَحَابَتِهِ وَالتَّابِعِينَ وَمَنْ تَبِعَهُمْ
بِإِحْسَانٍ إِلَى يَوْمِ الدِّينِ.

أَمَّا بَعْدُ، فَيَا عِبَادَ اللَّهِ اتَّقُوا اللَّهَ حَقَّ تَقْوَاهُ، يُصْلِحْ لَكُمْ أَعْمَالَكُمْ وَيَغْفِرْ لَكُمْ ذُنُوبَكُمْ.

MUSLIMIN RAHIMAKUMULLAH,

Saya berpesan kepada diri saya dan menyeru sidang Jumaat yang dikasihi sekalian, marilah sama-sama kita meningkatkan ketakwaan kepada Allah dengan bersungguh-sungguh melaksanakan segala perintah-Nya dan meninggalkan segala larangan-Nya. Mudah-mudahan kehidupan ini mendapat keberkatan di dunia dan di akhirat.

Marilah kita tumpukan perhatian kepada khutbah yang akan disampaikan. Cukup-cukuplah kita dengan perbuatan-perbuatan yang boleh merosakkan ganjaran pahala Jumaat kita. Usah bercakap-cakap dan



simpanlah telefon bimbit untuk seketika serta tidak menggerakkan tabung kutipan Jumaat. Semoga khutbah yang disampaikan dapat diambil panduan dan pesanannya. Mimbar Jumaat pada hari ini akan membicarakan tajuk **“Benarkah kita Merdeka?”**

SIDANG JEMAAH YANG DIRAHMATI ALLAH,

Kebebasan merupakan nikmat yang sangat agung. Tanpa kebebasan hidup akan sentiasa dibelenggu ketakutan dan kebimbangan. Nilai kedaulatan sesebuah negara yang pernah dihenyak oleh penjajah hanya dapat dirasakan oleh insan yang pernah melalui zaman duka tersebut.

Setiap detik dan saat yang dilalui di zaman penjajah merupakan sengsara dan derita yang tak mungkin dapat dilupakan. Pembunuhan, penyiksaan, rampasan tanah dan khazanah negara bukanlah asing bagi setiap penjajah yang pernah menjejakkan kaki ke negara yang tercinta ini.

Bermula tahun 1511 Portugis mula bertapak di Melaka diikuti penjajah-penjajah lain sehingga negara mencapai kemerdekaan pada 31 Ogos 1957.

Laungan keramat kemerdekaan yang dilaungkan oleh Bapa Kemerdekaan, Tunku Abdul Rahman Putra Al-Haj memberi suatu kepuasan dan kegembiraan kepada semua rakyat Tanah Melayu. Manusia berhak untuk gembira apabila dirinya merdeka. Merdeka daripada penjajahan dan penindasan. Merdeka daripada dikawal oleh kuasa asing. Merdeka daripada mengikut telunjuk orang lain. Bumi ini milik kita, kitalah jua yang berhak mentadbirnya.



MUSLIMIN YANG DIRAHMATI,

Persoalannya, adakah kemerdekaan yang kita kecapai ini benar-benar membebaskan kita? Ingatlah, walaupun penjajah telah lama meninggalkan tanah bertuah ini, namun masih terdapat dua penjajah yang kekal bersama.

Penjajah Pertama ialah Syaitan:

Manusia yang masih tidak mampu melepaskan diri dari belenggu godaan syaitan ialah manusia yang masih terjajah hakikatnya. Setiap jejak syaitan yang diikuti akan menjauhkan kita daripada Allah **سُبْحَانَهُ وَتَعَالَى** dan akhirnya menjadikan hati kita buta serta jauh dari kebenaran.

Penjajah Kedua adalah Hawa Nafsu dan Dirinya Sendiri:

Berapa ramai manusia yang biar pun hidup di sebuah negara merdeka, tetapi masih kekal sebagai seorang hamba yang terbelenggu jiwa. Dia sentiasa mengikut kehendak penjajah ini, biarpun pada kehendak yang membinasakan. Di mana nilai kemerdekaan, andai nafsu dianggap Tuhan dan cara hidup materialistik dijadikan sembah? Firman Allah dalam surah Al-Jathiah ayat 23:

أَفَرَأَيْتَ مَنِ اتَّخَذَ إِلَٰهَهُ هَوَاهُ وَأَضَلَّهُ اللَّهُ عَلَىٰ عِلْمٍ وَخَتَمَ عَلَىٰ سَمْعِهِ وَقَلْبِهِ وَجَعَلَ عَلَىٰ بَصَرِهِ غِشَاوَةً فَمَنْ يَهْدِيهِ مِنْ بَعْدِ اللَّهِ أَفَلَا تَذَكَّرُونَ ﴿٣٧﴾

Maksudnya: “Dengan yang demikian, bagaimana fikiranmu (wahai Muhammad) terhadap orang yang menjadikan hawa nafsunya Tuhan yang dipatuhinya, dan ia pula disesatkan oleh Allah kerana diketahuinya (bahawa

ia tetap kufur ingkar), serta diadakan lapisan penutup atas penglihatannya? Maka siapakah lagi yang dapat memberi hidayah petunjuk kepadanya sesudah Allah (menjadikan dia berkeadaan demikian)? Oleh itu, mengapa kamu (wahai orang-orang yang ingkar) tidak mahu beringat dan insaf.”

MULIMIN YANG DIRAHMATI,

Merenung sejenak sirah Rasul yang agung, mengajar kita bagaimana pengisian sebenar kemerdekaan. Pembukaan Kota Mekah menjadi saksi kemerdekaan sebenar dari samar jahiliah kepada sinar iman.

Diceritakan dalam kitab *Ar-Rahiqul Makhtum* (الرَّحِيقُ الْمَخْتُوم), apabila Baginda Nabi ﷺ memasuki Kota Mekah sewaktu peristiwa Fathu Makkah, Baginda Nabi menuju ke Baitullah, bertawaf dan menjatuhkan berhala yang berada di keliling Kaabah dengan busur panah sambil membaca:

وَقُلْ جَاءَ الْحَقُّ وَزَهَقَ الْبَاطِلُ إِنَّ الْبَاطِلَ كَانَ زَهُوقًا ﴿٨١﴾

Maksudnya: “Dan katakanlah telah datang kebenaran (Islam) dan hilang lenyaplah perkara yang salah (kufur dan syirik). Sesungguhnya yang batil itu adalah sesuatu yang pasti lenyap.” ﴿Surah Al-Isra’ ayat 81﴾

Iniilah makna sebenar kemerdekaan. Bukan sekadar fizikal yang bebas bergerak ke mana sahaja, bahkan jiwa dan rohani yang bebas dari segala unsur kejahilan dan kekufuran serta kehidupan yang bersandarkan panduan wahyu Tuhan. Ini bertetapan dengan erti kebebasan yang diungkapkan

oleh Saidina Rib'ie bin 'Amir ketika berhadapan dengan Panglima Tentera Parsi yang bernama Rustum di medan peperangan Al-Qadisiah:

اللَّهُ ابْتَعَثَنَا لِنُخْرِجَ مَنْ شَاءَ مِنْ عِبَادَةِ الْعِبَادِ إِلَى عِبَادَةِ اللَّهِ، وَمِنْ ضَيْقِ الدُّنْيَا إِلَى سَعَتِهَا، وَمِنْ جَوْرِ الْأَدْيَانِ إِلَى عَدْلِ الْإِسْلَامِ

Maksudnya: “Allah telah membentangkan kami untuk mengeluarkan sesiapa sahaja yang Dia kehendaki dari perhambaan terhadap sesama hamba kepada perhambaan kepada Allah, dari kesempitan dunia kepada keluasannya, dari kezaliman agama-agama kepada keadilan Islam.”

MUSLIMIN YANG DIRAHMATI,

Bertitik tolak dari ini, ayuh bersama hias kemerdekaan dengan tasbih dan istighfar seiring pesanan Allah **سُبْحَانَهُ وَتَعَالَى** kepada Baginda Nabi **صَلَّى اللَّهُ عَلَيْهِ وَسَلَّمَ** selepas pembukaan Kota Mekah. Firman Allah dalam surah An-Nasr ayat 3:

فَسَبِّحْ بِحَمْدِ رَبِّكَ وَأَسْتَغْفِرْهُ إِنَّهُ كَانَ تَوَّابًا ﴿٣﴾

Maksudnya: “Maka ucapkanlah tasbih dengan memuji Tuhanmu dan mintalah ampun kepada-Nya, sesungguhnya Dia amat menerima taubat.”

Marilah kita mengisi kemerdekaan ini dengan mensyukuri nikmat keamanan dan kesejahteraan yang dianugerahkan oleh Allah **سُبْحَانَهُ وَتَعَالَى** kepada negara Malaysia yang tercinta. Semoga Allah memelihara negara

dari segala anasir luar dan dalam yang mampu menggugat keamanan, kedamaian dan keharmonian.

SIDANG JUMAAT SEKALIAN,

Sebagai kesimpulan, mimbar merumuskan khutbah pada hari ini:

Pertama: Syukuri nikmat kemerdekaan dan kedamaian yang dianugerahkan oleh Allah dengan sebaiknya.

Kedua: Intipati kemerdekaan sejati ialah terlepas dari genggaman syaitan, nafsu dan cinta duniawi.

Ketiga: Kemerdekaan sebenar ialah apabila kita dianugerahkan pembebasan dari kesengsaraan api neraka dan dikurniakan kedamaian di syurga.

Seperti Firman Allah **سُبْحَانَهُ وَتَعَالَى** dalam surah Qaf ayat 1-5:

ق وَالْقُرْآنِ الْمَجِيدِ ۝ بَلْ عَجِبُوا أَنْ جَاءَهُمْ مُنْذِرٌ مِنْهُمْ فَقَالَ الْكَافِرُونَ هَذَا شَيْءٌ
عَجِيبٌ ۝ أَوِذَا مِتْنَا وَكُنَّا تُرَابًا ذَلِكْ رَجْعٌ بَعِيدٌ ۝

Maksudnya: “Qaf, demi Al-Quran yang amat melimpah kemuliaan dan kebaikan (sebenarnya Muhammad adalah Rasul yang diutus memberi peringatan dan amaran). (Kaum musyrik Mekah bukan sahaja mengingkari kerasulannya) bahkan mereka merasa hairan kerana datang kepada mereka, dari kalangan mereka sendiri, seorang Rasul memberi peringatan

dan amaran (mengenai perkara hidup semula sesudah mati); lalu orang-orang yang kafir itu berkata: ini adalah satu perkara yang menakjubkan.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِهَدْيِ سَيِّدِ الْمُرْسَلِينَ، أَقُولُ مَا
سَمِعْتُمْ، وَأَسْتَغْفِرُ اللَّهَ لِي وَلَكُمْ، وَلِسَائِرِ الْمُسْلِمِينَ مِنْ كُلِّ ذَنْبٍ، فَاسْتَغْفِرُوهُ، إِنَّهُ
هُوَ الْغَفُورُ الرَّحِيمُ.



Khutbah Kedua Bulan Ogos

2023M/ 14445H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.

اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP).

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.
عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ
عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾